



XALQ DEPUTATLARI XORAZM VILOYATI KENGASHINING Q A R O R I

2024-yil 26-aprel

VI-80-57-12-0-K/24

Xorazm viloyati

Xorazm viloyati hududlarida maishiy chiqindilarni to'plash va olib chiqib ketish bo'yicha xizmat ko'rsatish uchun majburiy to'lov tariflari miqdorini belgilash to'g'risida

O'zbekiston Respublikasi Prezidentining 2020-yil 29-sentabrda "Maishiy va qurilish chiqindilari bilan bog'liq ishlarni boshqarish tizimini yanada takomillashtirish chora-tadbirlari to'g'risida"gi PQ-4845-sonli qarorining 4-bandi birinchi xatboshisida 2021-yil 1-yanvardan boshlab, hududlarda maishiy chiqindilarni to'plash va olib chiqib ketish bo'yicha xizmat ko'rsatish uchun majburiy to'lov tariflari (xizmat ko'rsatuvchi tashkilotlar tomonidan kelishilgan narxlarda amalga oshiriladigan alohida xizmatlar uchun to'lovlar bundan mustasno) dastlab narxlarni (tariflarni) tartibga solish organlari xulosalari olinib, keyinchalik tegishligicha Qoraqalpog'iston Respublikasi Jo'qorg'i Kengesi, xalq deputatlari viloyatlar va Toshkent shahar Kengashlari qarorlari bilan ma'qullanganidan so'ng tasdiqlash belgilangan.

Shuningdek, O'zbekiston Respublikasi Prezidentining 2023-yil 15-avgustda "Ko'p kvartirali uylarni boshqarishni yanada samarali tashkil qilish chora-tadbirlari to'g'risida"gi PQ-278-sonli qarorining 3-ilovasi 10-bandida 2023-yil 1-dekabrda qadar ko'p kvartirali uylarni boshqarish organlariga agrotexnik ishlov berishdan hosil bo'ladigan chiqindilarni (daraxt va buta shox-shabballari, barglari) hamda smyot maishiy chiqindilarni to'plash punktlariga yig'ishga ruxsat etilishi munosabati bilan qattiq maishiy chiqindilarni to'plash va olib chiqib ketish bo'yicha xizmatlar uchun majburiy to'lovlar tarifini qayta ko'rib chiqish vazifasi yuklatilgan.

Mazkur qarorlarga asosan viloyat iqtisodiyot va moliya bosh boshqarmasining 2023-yil 10-avgustdagi 01-8-38/1041-sonli va 2023-yil 31-oktabrdagi 01-8-38/1444-sonli xulosalariga asosan amaldagi tarif miqdorini jismoniy shaxslarning agrotexnik ishlov berishdan hosil bo'lgan chiqindilarni (daraxt va buta shox-shox shabballari, barglari) hamda smyot maishiy chiqindilar, qattiq maishiy chiqindilarni tashib ketish xizmatlarini narx (tarif) QQS (qo'shilgan qiymat solig'i) siz Urganch shahri va Urganch tumani bo'yicha 5 250 so'm, Xiva shahri va tumanlar bo'yicha 4 100 so'm (bir kishi boshiga bir oyda) hamda yuridik shaxslarning agrotexnik ishlov berishdan hosil bo'lgan chiqindilarni (daraxt va buta shox-shox shabballari, barglari) hamda smyot maishiy chiqindilar, qattiq maishiy chiqindilarni tashib ketish xizmatlari narx (tarif)lari 1 m³ uchun QQS siz Urganch shahri va Urganch tumani bo'yicha 72 000 so'm, Xiva shahri va tumanlar bo'yicha 45 000 so'm miqdorida belgilanishi yuzasida xulosalar olingan.

“Chiqindilar to‘g‘risida”gi O‘zbekiston Respublikasi qonunining 11-moddasi, O‘zbekiston Respublikasi Prezidentining 2020-yil 29-sentabrda “Maishiy va qurilish chiqindilari bilan bog‘liq ishlarni boshqarish tizimini yanada takomillashtirish chora-tadbirlari to‘g‘risida”gi PQ-4845-sonli va 2023-yil 15-avgustda “Ko‘p kvartirali uylarni boshqarishni yanada samarali tashkil qilish chora-tadbirlari to‘g‘risida”gi PQ-278-sonli qarorlari hamda Vazirlar Mahkamasining 2019-yil 6-fevralda “Chiqindilar bilan bog‘liq ishlarni amalga oshirish sohasidagi normativ-huquqiy hujjatlarni tasdiqlash to‘g‘risida”gi 95-sonli qarori, viloyat iqtisodiyot va moliya bosh boshqarmasining 2023-yil 10-avgustdagi 01-8-38/1041-sonli va 2023-yil 31-oktabrdagi 01-8-38/1444-sonli xulosalariga asoslanib, viloyat hududlaridan maishiy chiqindilarni olib chiqib ketish xizmatlarini takomillashtirish, hududlarning ekologik va sanitariya holatini yanada yaxshilash maqsadida xalq deputatlari viloyat Kengashi

Qaror qiladi:

1. Viloyat ekologiya, atrof-muhitni muhofaza qilish va iqlim o‘zgarishi boshqarmasi boshlig‘i G‘.Eshchanovning viloyat hududlarida maishiy chiqindilarni to‘plash va olib chiqib ketish bo‘yicha xizmat ko‘rsatish uchun majburiy to‘lov tariflari miqdorini belgilash to‘g‘risidagi axboroti ma‘lumot uchun qabul qilinsin.

2. Xorazm viloyatining shahar (tuman)larida maishiy chiqindilar, agrotexnik ishlov berishdan hosil bo‘ladigan chiqindilar (daraxt va buta shox-shabballari, barglari) hamda smyot maishiy chiqindilarni to‘plash va olib chiqib ketish bo‘yicha xizmat ko‘rsatish uchun majburiy to‘lov tariflari ilovaga asosan ma‘qullansin.

3. Viloyat hokimining o‘rinbosari S.Bekchanov belgilangan tartibda shahar (tuman)larda maishiy chiqindilarni to‘plash va olib chiqib ketish bo‘yicha xizmat ko‘rsatish uchun majburiy to‘lov tariflari (narxlari) miqdorini tasdiqlash to‘g‘risida viloyat hokimining qarori loyihasini ishlab chiqsin.

4. Viloyat ekologiya, atrof-muhitni muhofaza qilish va iqlim o‘zgarishi boshqarmasi (G‘.Eshchanov), viloyat sog‘liqni saqlash boshqarmasi (K.Tangriberdiyev), viloyat sanitariya-epidemiologik osoyishtalik va jamoat salomatligi boshqarmasi (M.Samandarov) shahar (tuman)lar hokimliklari bilan birgalikda aholining keng qatlamlari orasida fuqarolarning huquqiy va sanitariya-ekologik savodxonligini oshirishga qaratilgan tushuntirish ishlarini tashkil etsin.

5. Ushbu qarorning ijrosini nazorat qilish xalq deputatlari Xorazm viloyati Kengashining sanoat, transport, qurilish, kommunal soha va aholiga xizmat ko‘rsatish masalalari bo‘yicha doimiy komissiyasi raisi R.Sherjanov zimmasiga yuklansin.

Sessiya raisi



RADJABOV ALTIBAY
BEGJANOVICH

Xalq deputatlari Xorazm viloyati Kengashining
2024-yil 26-apreldagi
VI-80-57-12-0-K/24 -son qaroriga
1-ilova

**Xorazm viloyatining shahar (tuman)larida maishiy chiqindilar, agrotexnik ishlov berishdan hosil bo'ladigan chiqindilar
(daraxt va buta shox-shabballari, barglari) hamda smyot maishiy chiqindilarni to'plash va olib chiqib ketish bo'yicha
xizmat ko'rsatish uchun majburiy to'lov tariflari**

Xizmat ko'rsatiladigan shaxslar	Tip, marka, artikul yoki model raqami	O'lchov birligi	Tarif miqdori (so'm)
Urganch shahar va Urganch tumanida			
Aholi uchun (1 fuqarodan 1 oyda)	Maishiy chiqindilar	Bir oyda bir fuqaro uchun	5 880
Yuridik shaxslar uchun (QQS bilan)	Maishiy chiqindilar	m ³	80 640
Yuridik shaxslar va yakka tartibdagi tadbirkorlar tomonidan o'z texnikalari yordamida markaziy chiqindi saqlash obyektiga qattiq maishiy chiqindilarni olib borib, joylashtirish	Maishiy chiqindilar	m ³	16 800
Xiva shahri va viloyatning boshqa tumanlarida			
Aholi uchun (1 fuqarodan 1 oyda)	Maishiy chiqindilar	Bir oyda bir fuqaro uchun	4 592
Yuridik tashkilotlari uchun (QQS bilan)	Maishiy chiqindilar	m ³	64 400
Yuridik shaxslar va yakka tartibdagi tadbirkorlar tomonidan o'z texnikalari yordamida markaziy chiqindi saqlash obyektiga qattiq maishiy chiqindilarni olib borib, joylashtirish	Maishiy chiqindilar	m ³	16 800